

**23 января. Попразднство Богоявления.  
Святитель Феофан Затворник Вышенский  
Великая Вечерня (приходская)**

**Стихиры на «Господи, возвах»**

**Канонарх:** Глас 2, Гóсподи, возвáх к Тебé, услýши мя.

Гóсподи, возвáх к Тебé, услýши мя./ Услýши мя, Гóсподи. Гóсподи, возвáх к Тебé, услýши мя:/ вонмí глáсу молéния моего, / внегдá возвáти ми к Тебé.// Услýши мя, Гóсподи.

Да испрáвится молíтва моя,/ я́ко кадíло пред Тобóю,/ возде́яние рукú моéю/ – жéртва вечерняя.// Услýши мя, Гóсподи.

**попразднства Богоявления на 3, глас 2**

**На 6, стих:** А́ще беззакóния нáзриши, Гóсподи, Гóсподи, кто посто́йт? / Я́ко у Тебé очищéние есть.

Нýне стрáнно Спас челове́ком дáрует очищéние,/ кромé изваря́я огня́// и назидáя дýши без сокрушéния.

**Стих:** И́мене рáди Твоегó потерпéх Тя, Гóсподи, потерпé душá моя в слóво Твое /

уповá душá моя на Гóспода.

Вóду Божéственныя жíзни/ от истóчников спасíтельных,/ лýдие, с весéлием почерпíте усéрдно// душ на избавлéние.

**На 4, стих:** От стра́жи úтренния до но́щи, от стра́жи úтренния, / да упова́ет Изра́иль на Гóспода.

Прииде Просвещение,/ Благодать явится,/ Избавление настá,  
мир просветится,// лю́дие, радости исполнитесь.

свт. Феофана, Затворника Вышенского на 3, глас 1

**Глас 1. Стих:** Яко у Господа милость, и многое у Него избавление,  
и Той избавит Израиля от всех беззаконий его́.

Приидите, вернии,/ благочестно ублажим святителя Христова Феофана,  
пастыря предобраго, учителя златословеснаго,  
скорбных утешителя,/ наставника всех притекающих к нему́ с верою// и ныне молящагося о душах наших.

**На 2, стих:** Хвалите Господа всея языцы, /  
похвалите Его́ всея лю́дие.

Приидите, вернии,/ благочестно ублажим святителя Христова Феофана,  
пастыря предобраго, учителя златословеснаго,  
скорбных утешителя,/ наставника всех притекающих к нему́ с верою// и ныне молящагося о душах наших.

**Стих:** Яко утвердися милость Его́ на нас, /  
и истина Господня пребывает во век.

Святителю отче Феофане,/ память твоя, яко светозарное  
солнце возсия нам,/ озаряючи приходящая к тебе с верою  
и просящая усердно:// моли спастися душам нашим.

**Слава , глас 1.**

Слава Отцу́, и Сыну, и Святому́ Духу.

Отче Феофане богомудре,/ аще и в тайных подвизех  
течение совершил еси́,/ обаче светильник пресветлый

людем явился еси,/ лучами словес твоих просвещая нас,  
научаеши Христа веди. Темже радостно поклоняющесе  
раце честных мощей твоих,/ со умилением взываем://  
слава Прославляющему святых Своих.

**И ныне, глас 4:**

И ныне, и присно, и во веки веков. Аминь.

Трепеташе рука Крестителя, егда пречистому Твоему  
верху коснуса, возвратися Иордан река вспять, не дер-  
заючи служити Тебе, яже бо устыдеса Иисуса Навина,  
како Творца своего устрашитися не имяше? Но все ис-  
полни еси смотрение, Спасе наш, да спасеши мир яв-  
лением Твоим, Едине Человеколюбче.

### Стихиры на стиховне

попразднства Богоявления на 3

**Канонарх:** Глас 2, Пение новолепное

Пение новолепное/ да поет вся тварь/ от Девы рождше-  
муся Христу// и крещемуся во Иордане днесь.

**Стих:** Море виде и побеже, /

от земли Иордански и Ермонийски.

Труба пророческая, Предтеча да вопиет:/ сотворите  
Господу, крещемуся в струях,// плоды изряднейших де-  
яний.

**Стих:** Что ти есть, море, яко побегло еси? /

И тебе, Иордане, яко возвратился еси вспять?

Воссия сродный с высоты Божественный Дух, в виде го-  
лубине зрим несказанно,// ныне Христу притече.

**Слава, глас 5:**

**Сла́ва Отцу́, и Сы́ну, и Свято́му Ду́ху**

**Преблаже́нне отче Феофа́не,/ дом Ду́ха Свята́го яви́лся еси,/ ума́ чистоту́ стяжа́в,/ в затво́ре Вы́шинския оби́тели многоле́тне пребыва́я,/ писа́ньми твои́ми всех просвеща́л еси,/ ве́рою к тебе́ прибега́ющих,/ и ны́не не преста́й приноси́ти моле́ния о нас,// чту́щих священную па́мять твою́.**

***И ныне, глас 4:***

**и ны́не, и прісно, и во ве́ки веко́в. Ами́нь.**

**Тебе́, в Ду́се и огні очища́юща грех ми́ра,/ зря́ Крестітель гряду́ща к себе́,/ ужаса́ясь и трепе́ща, вопия́ше, глаго́ля:/ не сме́ю держа́ти ве́рх Тво́й пречи́стый,/ Ты мя освяти́, Влады́ко,/ Божество́нным явлéнием Твои́м,// Еди́не Человеколю́бче.**

### **Тропари**

***Тропарь свт. Феофана, Затворника Вышенского, глас 8:***

**Правосла́вия наста́вниче,/ благоче́стия учи́телю и чистоты́,/ Вы́шинский подви́жниче, святітелю Феофа́не богому́дре,/ писа́ньми твои́ми Сло́во Бо́жие изъясни́л еси́/ и всем ве́рным путь ко спасе́нию указа́л еси́,// моли́ Христа́ Бо́га спастіся душа́м на́шим.**

**Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.**

***Тропа́рь Богоявле́ния, глас 1***

**Во Иорда́не креща́ющуся Тебе́, Го́споди,/ Трoйческое яви́ся поклонéние:/ Роді́телев бо глас свидéтельствоваше Тебе́,/ возлю́бленнаго Тя Сына имену́я,/ и Дух в ви́де го-**

23 января. Попраз. Богоявления. Свят Феофан Затворник

**лубине,/ извѣствоваше словесѣ утверждѣние./ Явлѣйся  
Христѣ Бѣже// и мир просвещѣй, слава Тебѣ.**